

**Til:**

Fagleg samarbeidsutval

Frå:

Elin Sørbotten, interkommunal samhandlingskoordinator

Dagrun Kyrkjebø, samhandlingssjef HFD

Sak 32/23: Oppfølging av sak 4/23 - oppnemning av arbeidsgrupper for fire prioriterte satsingsområde.

Saka gjeld:

Saka om handlingsplan for Sogn og Fjordane helsefellesskap har ved fleire høve gjennom 2022 og 2023 vore oppe til drøfting i FSU. Sist i møte i april 2023 der handlingsplanen for helsefellesskapet vart godkjend med følgande vedtak:

«*Fagleg samarbeidsutval vedtek handlingsplanen med dei innspel som kjem i møte*»

«*Fagleg samarbeidsutval ber om at arbeidsgruppa ferdigstiller mandat og tek sikte på å få oppnemnt medlemmar til utvala gjennom etablerte forum før neste møte*»

Arbeid sidan sist:

Det vart i 2022 sett ned ei arbeidsgruppe beståande av:

Jan Helge Dale, Kinn kommune

Asle Kjørlaug, Helse Førde

Anita Foss Midlang, Sogndal kommune

Vidar Øvrebø, Helse Førde

Elin Sørbotten, Samhandlingskoordinator

Dagrun Kyrkjebø, Helse Førde

Arbeidsgruppa har hatt nokre møter også etter vedtaket i april, der det vart konkludert med at vi treng ei statusoppdatering om pågående arbeid og på kva som vil være viktig for kommunane og Helse Førde at ein kjem raskt i gong med.

Det vart gjort eit nytt forsøk på statusoppdatering om pågående prosjekt der ein også ber om innspel til kva som vil være viktig at ein startar. Arbeidet vidare skulle handle om å konkretisere mandat for arbeidsgruppene samt få oppnemnt medlemmar slik at arbeidet kan komme i gong.

Aktuelt:

Det har vore gjennomført erfaringskonferanse for dei somatiske avdelingane våren 2023 med tema skrøpelege eldre. , Tilbakemeldingar frå konferansen var at tenestene ser eit behov for eit felles funksjonskartleggingsverktøy, i tillegg til felles språk og forståing for kva samarbeidspartnarar treng av informasjon frå kvarandre ved inn- og utskrivning Dette er truleg eit område der ein bør starte eit samarbeid/utviklingsarbeid.

Det har kome inn nokre svar frå kommunane og Helse Førde på statusoppdateringa, men langt frå alle har svart ut. Det bør vurderast om ein skal ta sikte på ei ny purring, eller om dette er eit arbeid som kan inngå som ein del av mandatet til arbeidsgruppene.



Eitt område som ein no ser at det kan starte opp eit arbeid er innanfor gruppa barn og unge og psykisk helse. Det har dei siste åra vore gjennomført samhandlingsdagar mellom BUP i regionane og kommunane i deira opptaksområde. 16. november er det planlagt ein samhandlingsdag for Førde BUP og kommunane i opptaksområdet med angstproblematikk som tema. På denne konferansen er det påmeldt 150 deltakarar. Dette er eit tema som fenger tenestene i Helse Førde og på tvers av sektorane i kommunane. Høgast andel av påmelde er frå oppvektsektoren i kommunane.

Det har no kome ein rettleiar på [Barn og unges psykiske helse](#), denne peikar på behov for betydeleg samordning på tvers av kommunar og spesialisthelsetenesta kring utviklinga av tenester til denne gruppa.

Kapittel 5 i rettleiaren seier følgande:

«Kommunen og psykisk helsevern for barn og unge (PHBU) skal samarbeide på systemnivå for å legge til rette for samordnet hjelp til barn og unge med psykiske lidelser og/eller rusmiddelproblemer»

«Kommunen og psykisk helsevern for barn og unge (PHBU) bør etablere lokale samarbeidsmodeller for henvisning av barn og unge med psykiske lidelser og/eller rusmiddelproblemer»

«Kommunen og psykisk helsevern for barn og unge (PHBU) skal sørge for et helhetlig og samordnet tjenestetilbud til barn og unge med psykiske lidelser og/eller rusmiddelproblemer som har behov for sammensatte tjenester»

Dette er eit arbeid som både kan, bør og skal skje i fellesskap, og kommunane med Kinn kommune i front ynskjer no å ta initiativ til eit samarbeid kring å utvikle dette saman med Helse Førde for Sogn og Fjordane helsefellesskap.

Forslag til vedtak:

«Fagleg samarbeidsutval ber om at det vert nedsett ei arbeidsgruppe med representantar frå Helse Førde og kommunane som ivaretok innspela frå erfaringskonferansen 2023, og tek sikte på å jobbe ut eit felles funksjonskartleggingsverktøy for pasientgruppa skrøpelege eldre mellom partnarane»

«Fagleg samarbeidsutval støttar at ein startar arbeidet med å lage samhandlingsmodellar og prosedyrar for barn og unges psykiske helse på systemnivå, og jobbar med utviklinga av desse tenestene i fellesskap»